

Augustus 2025

## NADERE BESONDERHEDE

**Opsie 1: RYNVAART EN SWARTWOUD I: 05 – 15 April 2026**

**Opsie 2: RYNVAART, SWARTWOUD EN SWITSERLAND I: 05 – 20 April 2026**

**OPSIES EN TOERPRYSE:** Hierdie gewilde toer bied twee opsies vir 2026

**OPSIE 1: RYNVAART EN 2 NAGTE IN SWARTWOUD 05 – 15 April**

**Prys: R61 500 per persoon plus lughawebelasting en foonitjies van ongeveer R8 000 en koste van visum en reisversekering**, wat volgens eie behoefte bepaal word (sien NIE INGESLUIT BY DIE TOERPRYS NIE).

**OPSIE 2: RYNVAART, SWARTWOUD EN 5 NAGTE IN SWITSERLAND 05 – 20 April**

**Prys: R82 300 per persoon plus lughawebelasting en foonitjies van ongeveer R8 670 en koste van visum en reisversekering**, wat volgens eie behoefte bepaal word (sien NIE INGESLUIT BY DIE TOERPRYS NIE).

### INGESLUIT BY DIE TOERPRYS:

- Retoervlug met **KLM** vanaf **Johannesburg** na **Amsterdam** en terug vanaf **Zürich** met **AF** via **Parys** na Johannesburg (Toeropsies 1 en 2).
- Vervoer per luukse bus
- Besoek Zaanse Schans en Keukenhof (Toeropsies 1 en 2)
- Opwindende bootvaart op die Ryn vanaf Amsterdam tot in Strasbourg. Alle kajuite het buitevensters en kyk uit op die rivier. Stap verskeie kere aan wal vir interessante besoeke (Toeropsies 1 en 2)
- Twee nagte in die Swartwoud (Opsies 1 en 2)
- Vyf nagte (Opsie 2) in hotel in Beatenberg
- Drie etes per dag op die boot (Opsies 1 en 2)
- Twee etes per dag in hotelle (Opsies 1 en 2)
- Afrikaanssprekende toerleiers vergesel groep

### NIE INGESLUIT BY DIE TOERPRYS NIE:

- Lughawebelasting: Die lughawebelasting is gekoppel aan die wisselkoers en beloop vir die verskillende vlugte ongeveer R6 550
- Foonitjies: Toerleiers oorhandig dit namens u aan die busbestuurders, boot-, hotel- en ander dienspersoneel. Foonitjies per persoon:  
**Toeropsie 1:** ± R1 450  
**Toeropsie 2:** ± R2 120
- Visums: Vir opsie 1 en 2 benodig u 'n Duitse Schengenvisum. Die koste beloop ongeveer R1 880 (€90) plus ongeveer R520 hanteringskoste wat aan die visumaansoeksentrum betaalbaar is. Volledige inligting oor die visumaansoekproses volg later in 'n omsendbrief
- Reisversekering, waaroor u later volledige besonderhede sal kry
- Persoonlike uitgawes soos telefoonoproepe, aandenkings, drankies, ekstra verversings, ens.
- Paspoorte – verkryging daarvan
- Vervoer na en van SA lughawens
- Binnelandse aansluitingsvlugte na O.R. Tambo-lughawe (indien van toepassing)
- Opsionele daguitstappies in Switserland
- Opgradering na middeldek: R2 500 p.p. (R5 000 p kajuit)
- Opgradering na boonste dek: R2 950 p.p. (R5 900 p kajuit)
- Enkelverblyfbybetaling by benadering (indien van toepassing). Sien volgende punt.

## ENKELVERBLIF

Toerlede kan enkelverblyf op die boot, die hotelle in die Swartwoud en Switserland kry, afhangende van die opsie wat hulle onderneem, mits hulle bereid is om 'n bedrag by te betaal:

MS Beethoven bootvaart (Opsies 1 en 2)

Enkelbybetaling R9 800

Hotel in Swartwoud (2 nagte) R1 850

Hotel in Switserland (5 nagte) R2 300

### **Bybetaling vir enkelverblyf is dus:**

#### **Toeropsie 1:**

R9 800 Boot plus R1 850 Hotel in Swartwoud. Totaal: R11 650

#### **Toeropsie 2:**

R9 800 Boot plus R1 850 Hotel in Swartwoud en R2 300 Hotel Switserland. Totaal: R13 950

Alternatiewelik kan u versoek om met een van die ander enkelopende toerlede 'n kajuit/kamer te deel, indien u nie die enkelbybetaling wil maak nie. Ons kan egter nie waarborg dat daar 'n kajuit/kamermaat sal wees nie.

## INSKRYWING

'n Inskrywing is eers geldig wanneer ons u Inskrywingsvorm, Vrywaring en deposito ontvang het. Die Inskrywingsvorm moet volledig voltooi word met u **volle name soos dit in u paspoort verskyn!**

Nadat u ingeskryf het, ontvang u Omsendbrief 1 met alle nodige besonderhede in verband met klere wat u moet saamneem en dies meer. Daarna ontvang u nóg omsendbriewe met nuus en inligting.

## BEREKENING VAN TOERPRYS

'n Toerprys bestaan hoofsaaklik uit die koste van die vliegkaartjie plus die landreëlings en kan aangepas word indien omstandighede buite ons beheer dit noodsaak. Die vliegkaartjie se prys verander nie. Die lughawebelasting kan verander aangesien dit aan die wisselkoers en brandstofpryse op die dag van uitreiking gekoppel is.

## DEPOSITO

Die Toerdeposito beloop **R10 000 per persoon.**

## FINALE BETALING

Die volle toerprys plus alle ander geld (fooitjies, versekering, ens.) vir die toer moet vóór **5 Desember 2025** betaal word. (Tref asseblief vroegtydig die nodige reëlings dat u geld betyds beskikbaar is.) **LW: Soos met alle toere, is die prys van dié toer gekoppel aan faktore buite ons beheer wat die toerprys en toerprogram kan beïnvloed.**

## WYSE VAN BETALING

- Vliegkaartjies en lughawebelasting kan per kredietkaart of direk aan CvW-Toere betaal word. U sal op die Vliegkaartjiebestelvorm wat u met Omsendbrief 1 ontvang, u keuse van betaling kan invul.
- **Bankdeposito/EFT:** Die res van die toerprys (landreëlings) word direk aan Christine van Wyk-Toere betaal deur inbetalings/elektroniese oorplasinge, **nadat u inligting in 'n omsendbrief daarvoor ontvang het.**
- **Kontantinbetalings:** Alle geld wat in banknote inbetaal word, moet die ekstra kontantinbetalingskoste insluit. Vra asseblief u bank hoeveel dit beloop (ongeveer **1.5% van die inbetalingsbedrag** kan hiervoor begroot word).

### **Bankbesonderhede:**

**Christine van Wyk-Toere**

**Standard Bank Tjekrekening** (Lopende rekening / Current account)

Takkode: **051001**

Tjekrekeningnommer: **410 722 782**

**NB: Gebruik u voorletters en van as verwysing** (nie die toer se naam of u noemnaam nie) **met betalings!**

## KANSELLASIE

Indien u genoodsaak is om u toer te kanselleer, geld die volgende voorwaardes en terugbetalings:

Ingeskrewe toerlede wat vóór **5 November 2025** skriftelik kanselleer, kry **R9 500** per persoon van die toerdeposito terug. Toerlede wat **daarná, tot 5 Desember 2025** kanselleer, kry **R9 000** per persoon terug.

Daarna word depositos nie terugbetaal nie. Indien 'n toerlid genoodsaak is om vanweë siekte te kanselleer voordat die finale toerprys betaal is (dit wil sê vóór **5 Desember 2025** word die volle deposito minus R500 per persoon by voorlegging van 'n doktersertifikaat terugbetaal.

Sodra die nodige reisversekeringspolis wat vir kansellasiedekking voorsiening maak uitgeneem is, kan u, indien u moet kanselleer, u geld vanaf die versekeringsmaatskappy terugeis. Dit geld slegs indien die rede vir kansellasië kragtens die polis aanvaarbaar is. Volledige besonderhede oor reisversekering word aan almal wat inskryf, gestuur.

**Toerdeposito's van toerlede wat kanselleer, word terugbetaal sodra CvW-Toere u volledige bankbesonderhede skriftelik ontvang het.**

### **VLIEGKAARTJIES EN EIE VLUGTE**

Alle vliegkaartjies word deur **FERNWEH TRAVEL** uitgereik. Die toerprys sluit vliegkaartjies in, maar nie lughawebelasting en binnelandse aansluitingsvlugte na en van Johannesburg nie.

Indien u nie die groepvlug gebruik nie, kan die koste van die groepvliegkaartjie van die toerprys afgetrek word. Die afslag ter sprake is:

**Toeropsie 1: R11 280**

**Toeropsie 2: R12 821**

Konsessiehouers en persone met eie vlugte kan hulle in Amsterdam, by die toergroep aansluit

### **DIE BOOT**

Die **MS Beethoven** het drie dekke. Die dubbelkajuite op al drie dekke is ewe groot met goeie uitsig na buite. Die middel- en boonste kajuite het groter vensters. Alle kajuite het twee enkelbeddens wat teenmekaar geskuif kan word om 'n dubbelbed te vorm, en ingeboude kaste. 'n Aparte badkamerarea in elke kajuit beskik oor 'n stort, wasbak en toilet. Haardroërs en kluis is in al die kajuite beskikbaar. 'n Mens is bedags selde in jou kajuit. Terwyl die **boot vaar, kuier almal gewoonlik heerlik in die ruim sitkamer of op die dek. Die sitkamer het gemaklike stoele en die omgewing kan van daar deur die groot vensters bekyk word.**

### **WEGBREKERS**

**Dit is moontlik om voor of ná afloop van die toer op u eie te reis (met ander woorde van die bestaande toerprogram weg te breek). Die lugdiens hef 'n wegbrekersfooie van ongeveer R500 indien u u groepvlug wil aanpas.**

### **PASPOORTE (DRINGEND!)**

**Maak asseblief seker dat u paspoort vir minstens 3 maande ná u terugkeerdatum uit Europa geldig is. Daar moet ook genoeg skoon bladsye, vir veiligheid minstens drie, in u paspoort wees. Dit is vir visums en doeanestempels.**

### **MINDERJARIGES WAT SAAM MET U REIS (Indien van toepassing)**

**BAIE BELANGRIK:** Alle visumaansoeke vir minderjariges moet saam met 'n oorspronklike *unabridged*-geboortesertifikaat ingedien word. 'n *Unabridged birth certificate* verskil van die standaard geboortesertifikaat wat deur Suid-Afrika se Departement van Binnelandse Sake uitgereik word. Dit bevat onder andere die kind asook albei ouers se volle name en identiteitsnommers op één amptelike dokument.

Kontak ons indien u beplan om minderjariges saam met u op reis te neem.

### **GESONDHEID EN TOERFIKSHEID**

Dit is vanselfsprekend dat iemand wat oorsee wil reis, se fisieke en emosionele gesondheid van só 'n aard sal wees dat hy/sy redelik onafhanklik oor die weg kan kom.

Hierdie toer is nie veeleisend nie, maar **toerlede wat nie onafhanklik oor die weg kan kom nie, moet 'n toermaat/familielid saamneem wat hulle kan help en na hulle kan omsien** sodat hulle nie heeltyd van medetoerlede afhanklik sal wees of die groep se belange op enige manier benadeel nie.

Basiese riglyne vir toerfiksheid is dat 'n mens onafhanklik in en uit 'n toerbus moet kan klim, onafhanklik trappe, insluitend roltrappe, kan klim en jou eie handbagasie kan hanteer. U moet bereid wees om op eie koste 'n huurmotor te gebruik indien 'n besoekpunt tydens die toer vir u te ver is om te stap.